


مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۰ نجی سنہ



۲۵ جادی الاخری ۱۳۲۹

❁ پنجشنبہ ❁

جزو عدد : ۱۰۱

مملکتیزجه مشکور الخدمه بر بیوک عالمه اسرائیلیه نك بشمش اولادندن اولان (ایزاق قاموندو) کچنده آتمشچی سال عمرنی اکیال ایتدن پارسده آمام انفاس حیات ایلشدر . قاموندو عالمه سی وخصوصا جدلری اولان (آوراماچی) که بیوک قاموندودر . خاصکوی موسویلری ایچنده فکر تمدن و ترقی ایله ، یشادینی عصرک خواص اجابعیه سنی بحق ادراک و تقدیر ایله تمیز ایتش ایدی . بو ذات ، هرشیدن اول خاصکویده اطفال ملتی ایچون بر مکتب بنا ایلدی که زماننده اوروپانک مظهر تکامل اولمش مکتب ابتدائیه سنه غبطه رسا بر حال مکملیتده ایدی .

اسکیلی ، عنعنات متوارثه اسرائیلیه بی تجدادات ترقی آیاته ترجیح ایله محافظه کارلقده جهولانه ثابت قدم اولان خاخالر ، قاموندوی (حریم) ۱) ایتدیلر . مکتبی ده او معامله به لایق کوردیلر . اولاد یهودک بومکتب نوظرزه گیرمسی بوضورتله منعه موقی اولدیلر . قاموندو ، خاخالرک بویایغرمه سنه قولاق و برماش ایهده مقدما نسوان یهودک (قاهوزه) تعبیر ایتدیکری خطو زلری و صرتلرنده کی فراجه بی چیقارنغه سبب اولسندن طولانی ذاتاً عقیده سزک و فرنگ مقلد لکی ایله متهم بولنش ایدی . خصوصاً او وقتک ایجابات ضروریه سندن اوله رق مقدما آوستریا تابعیتنه کیرمیش اولقلنی ملت ایشنه قارشق حقندن سقوطنی ایجاب ایتکله باب عالی ، بالضروره قاموندوی ریاستنده بولندیفی مجلس جسمانیدن انفکاکه دعوت ایلشدر . آوراماچی قاموندو بونک اوزرینه استانبولی ترک ایله اوروپا به چکمشدر . فقط غلطه ده مهم بر مؤسسه مالییه سی بولندیفی جهتله اقتضا ایتدیکه شرائط معتدله ایله خزینة مالییه اقراضانده بولنیوردی . بوسایده قاموندو بائقہ سی بروقتلر پک بیوک بر شهرت و اهمیت پیدا ایش وایکی طرف دخی بکدی بکرندن مستفید اولمشدر .

الیوم قاموندو بائقہ سی تعطیل معامله ایدرک غلطه وبک اوغلنده بولنان و ۶۰۰ بیک لیرا قیمتنده تخمین اولنان املاکنک امور ایجاریله اشتغال ایتکده در . بودفه وفات ایدن ایزاق قاموندو ایه ذکر اولنان بیوک قاموندونک حفیدیدر . بو ذات پارس و قلمنک بائقہ لری هیئت اداره سی اعضا لنی حازر ودها پک چوقی مؤسسات صرافیه ایله علاقه دار ایدی .

بك بیوك برذوق سلیم ایلله حائز مناسبت اولدینی ادبیاتده ، موسیقیده ، ضایع بدیعهده بهره و اقتدار ایلله تمیز ایتمش ، حتی بوتمایزی سایه سندنه (لژیون دونور) نشان و پایه سنی احرازه کسب لیاقت ایلشدی .

ایزاق قاموندو مدت حیاتنده صنایع بدیعه به ارتباط و تعلق اولان كافة تشبثاتی ، هر وسیله دوشدکجه یاطوغربدن طوغری به ویا بالواسطه تشویق و ترغیبیدن گپرو طور مامشدر . اوپرا تیاتروسناک ائک مهم حصه دارلرندن بری ده قونت قاموندی ایدی .

پکده حائز اهمیت اولیان برخیلی مدونات ادبیه سندن بشقه (قلوون) عنوانلی برفاجعه موسیقیه یازمش و سائر آثارنه نسبتله فوق العاده سزاوار تقدیر کوریلان بو اثر مختلف تیاترولرده دفعات عدیده ایلله موقع تماشا به قولمشدر .

قونت قاموندونک معروف و مشهور بر مصنوعات بدیعه (قوللقسیون) ی وارددر . صنایع بدیعه به متعلق هر درلو آثارک قیمت و اهمیتنی تقدیرده بیوک بر اثر فراست کوسترن بوذات ، قوللقسیونتی ، اون سکرنجی عصرک الواح بدیعه سنی ، نادیده هیکل لرینی ، زاپون قابارتمه لرینی جمع ایلله رشک آور بر حال کاله ایصال ایلشدی .

قوللقسیونک ائک مرغوب و قیمتدار پارچه سی (فانفونه) امضالی لوحه در . بولوحه بی ۱۹۰۰ مشهر عمومیسندن بر آسربقالی بر میلیون فرانق مقابلنده اشترا ایتک ایسته مش ایسه ده موسیو قاموندو ؛ (لوور) موزه سنه تأدیه ایدلک اوزره لوحه بی ایکی میلیون فرانقندن آشاغی صاته میه جفتی صورت قطعی ده افاده ایتشدر .

ایزاق قاموندونک (شانزه ایزه) ده مالک اولدینی قوناغی بدایع معماریه نك بر نمونه سی ، و باشلی باشنه قیمتدار بر موزه حکمنده در . روایت گوره بو آثار قیمتدار وصیتنه مبنی ورته طرفندن (لوور) موزه سنه تسلیم اولنه چقدر .

قاموندونک بو اهداسی بر نوع ایشای دیندر . چونکه فطره حائز اولدینی حاصه بدایع کستری بی ، لوورک خزانه نفائسنی تبیع سایه سنده حال تکمله ایصال ایتمش ، بوجه تله ماده حائز اولدینی آثار بدیعه بی ده محل لایقنه ترك ایتک ایستمشدر .

